







Олий Мажлис Сенатида

КУН ТАРТИБИДА – ЙИРИК АНЖУМАНГА ТАЙЁРГАРЛИК МАСАЛАСИ

Олий Мажлис Сенатида Парламентлараро Иттифоқнинг 150-юбилей ассамблеясини ўтказиш бўйича ташкилий қўмитанинг навбатдаги йиғилиши бўлиб ўтди.

Уни Олий Мажлис Сенати Раисининг биринчи ўринбосари Содиқ Сафоев олиб борди. Ўзбекистон Республикаси Президенти Шавкат Мирзиёевнинг таклифига асосан 2025 йилнинг 5—9 апрель кунлари 190 та мамлакатни бирлаштирган Парламентлараро Иттифоқнинг энг йирик халқаро тадбири — 150-юбилей ассамблеясига Ўзбекистон меъзолиб қилади.

Халқаро даражадаги парламентаризм ва барқарор ривож-

қисқатириш, инсон ҳуқуқлари ҳимояси, қонун устуворлиги ҳамда гендер тенгликни таъминлаш, илм-фан, технологияларни ривожлантириш, ёшларни қўллаб-қувватлаш каби долзарб масалалар муҳокама қилинади.

Йиғилишда Ўзбекистонда бўлиб ўтадиган мазкур ассамблеяга тайёргарлик кўриш масалаларига алоҳида эътибор қаратилди. Ушбу тадбирга масъул мутасадди ташкилотларнинг вазифалари ва амалга оширилиши лозим бўлган чоралар ҳақида фикр алмашилди.

«Халқ сўзи».

ИСЛОҲОТЛАР НАТИЖАЛАРИ ЮҚОРИ БАҲОЛАНДИ

Олий Мажлис Сенати Раисининг биринчи ўринбосари Содиқ Сафоев Япония Бош вазирининг миллий хавфсизлик, ядровий қуролсизланиш ва уни тарқатмаслик масалалари бўйича махсус маслаҳатчиси Акихиса Нагасима бошчилигидаги делегацияни қабул қилди.

Учрашувда Япония ва Ўзбекистон ўртасидаги дўстона муносабатлар ва стратегик ҳамкорликнинг муҳим жиҳатлари ҳақида сўз юритилди.

Япония Ўзбекистоннинг Осиё — Тинч океани минтақасидаги асосий ташқи сиёсий ва иқтисодий шерикларидан бири ҳисобланади. Ушбу мамлакат билан шерикликда таълим, фан, рақамлаштириш ва инновация, тиббиёт йўналишларида йирик лойиҳалар амалга оширилмоқда. Электр энергетикасини ривожлантириш, ишлаб чиқариш, манбаларни қайта ишлаш ва рақамлаштириш соҳаларида ҳамкорлик фаоллашмоқда.

Акихиса Нагасима Ўзбекистонда амалга оширилаётган шиддатли ислохотлар натижа-сида барча жабҳада юз бераётган ижобий ўзгаришларни юқори баҳолади. Мамлакатимизнинг ташқи сиёсатдаги очиқ, прагматик сиёсати халқаро миқёсда эътироф этилаётганини таъкидлади. Марказий Осиё давлатлари ўртасидаги узоқ йиллик масалалар

давлатимиз раҳбари ташаббуси билан ўз ечимини топаётгани ва яқин кўшничилик алоқалари мустақамлангани эътироф этилди.

Мулоқот давомида Япониянинг Марказий Осиё билан ҳамкорлигини янада кенгайтириш мақсадида “Марказий Осиё + Япония” мулоқоти доирасидаги ташаббусларни илгари суриш ва йирик халқаро саммитга тайёргарлик жараёنлари юзасидан фикр алмашилди. Шунингдек, парламентлараро алоқалар доирасидаги дўстлик гуруҳлари фаолияти, қонун ижодкорлиги соҳасида тажриба алмашиш ҳамда барча даражадаги парламент мулоқотини фаоллаштириш муҳимлигига эътибор қаратилди.

Томонлар келгусида сиёсий, савдо-иқтисодий, инвестиция, кадрлар тайёрлаш ҳамда маданий-гуманитар соҳаларда ҳамкорликни ривожлантиришга келишиб олди.

«Халқ сўзи».

ТҲЙЛАРИМИЗ МАЪНАВИЯТ,

МЕҲР-ОҚИБАТ ТАНТАНАСИГА АЙЛАНСИН

Халқимиз бой тарих, қадриятлар ва миллий урф-одатларига эга бўлиб, замонар оша уларни ўз қалби ва маънавиятида сақлаб, авлоддан-авлодга мерос қолдириб келмоқда. Ана шундай қадриятларимизнинг бири тўйлардир.

Мушоҳада

Миллийлигимиз, урф-одат ва аънаналаримизнинг ёрқин намунаси, жамиятдаги ижтимоий муносабатлар ифодаси ўлароқ тўйлар ҳаётимизнинг бир бўлагига айланган. Бугунги шиддатли замон аж-додларимизнинг босиб ўтган турмуш тарзидан зарур ҳулосалар чиқариш билан бирга, уларни ҳаққонийлик ҳамда ҳолислик асо-сида, танқидий руҳда таҳлил қилишни ҳам тақозо этади. Шу маънода, ҳозирги кунда турли ма-росимларни қандай ўтказиш маса-ласи кўпчилик зиёлиларнинг кенг муҳокамалариغا сабаб бўлмоқда. Жумладан, тўйлардаги дабдабазо-ликни йўқотиш — ана шундай дол-зарб мавзулардан бири.

Тарихий, диний ва ижтимоий ҳаёт кўзгуси

Аслида тўйлар юртимизда на-фақат оила қуриш маросими, бал-ки кенг жамоатчилик иштирокида-ги катта байрам сифатида ўткази-лади. Бу маросимнинг ўзига ҳос-лиги этнографик жиҳатдан жуда қизиқарли бўлиб, халқнинг тарихий, диний ва ижтимоий ҳаётини акс эттиради.

Тўйлар қадимдан нафақат никоҳ базми, балки ижтимоий бирлик ва ҳамжиҳатлик рамзи сифатида ҳам қабул қилинган. Улар оилалар ўрта-сидаги алоқаларни мустаҳкамлаш, қариндош-уруқчилик ришталарини кучайтириш ва жамиятдаги бир-дамликни таъминлашга ҳисса қўшган.

Бугун ушбу маросимнинг маз-мун-моҳиятини сақлаган ҳолда уни шаклан давр талабларига мослаш, яъни ҳам харажати, ихчам тўйлар қилиш одатини шакллантириш халқимиз учун ҳар томонлама фой-далидир.

Бироқ таассуфки, кейинги пайт-ларда айрим юртдошларимиз бу эзгу тантанани ўтказишда асосий эътиборни ёшларнинг бахтли бўли-шига эмас, қуд томонининг тўй учун қилган харажати миқдорига, маро-симларни дабдабади, шов-шувли қилишга қаратмоқдаки, бу жами-ятдаги маънавий мухитга салбий таъсир ўтказмоқда.

Кузатишлар шуни кўрсатадики, аҳолининг аксарият қисми ораси-да тўй маросимлари учун сарф-ха-ражатларнинг ошиб бораётганини, исрофгарчилик, кўп сонли меҳмон-ларнинг таклиф этилиши бу йил-лар давомида кутилган орзу-хавас-нини рўёбидан кўра халқ орасида “кимўзар” одатга, обрў талашишга

Жамоатчилик назорати зарур

Ўзбекистонда тўй-хашамлар учун меъёрлар ишлаб чиқилган. Жумла-дан, 2019 йил 14 сентябрь куни “Тўйлар, оилавий тантаналар, маъ-рака ва маросимлар ўтказилиши-ни тартибга солиш тизимини яна-да такомиллаштириш тўғрисида” Ўзбекистон Республикаси Олий Мажлиси Қонунчилик палатаси Кенгаши ва Олий Мажлис Сенати Кенгашининг қўшма қарори қабул қилинган.

Қарорда ҳар хил кўнгилсизлик-ларнинг олдини олиш мақсадида тўй-хашамлар ва бошқа оилавий тадбирларнинг давомийлик вақти ҳамда уларга қақириладиган меҳ-монлар сони аниқ белгиланди. Шу-нингдек, ҳужжатда тўй маросимла-рининг катта харажат талаб этади-ган ҳар бир қисмига тўхталиб, асосий эътибор уларнинг ихчамли-ги ва камхаражат ўтказилишига қар-атилган. Бироқ ушбу қарорни амал-да тўлиқ бажариш учун жамоати-лик назоратини кучайтириш зарур. Жамиятда фикрлашни ўзгартириш, айрим одамларга ҳою ҳавас эмас, балки оилавий бахт муҳимлигини тўшунтириш, оддий, исрофгарчи-ликдан холи тўй ўтказиш мадания-тини шакллантириш лозим.

Бир пайтлар пандемия сабабли тўйларни фақат 30 — 40 кишилик кичик доирада ўтказиш қатъий бел-гиланган эди. Бу тартиб, аввалига мажбуран жорий этилган бўлса-да, вақт ўтиши билан кўпчилик учун қулайлик яратди. Одамлар ортиқ-да харажатларсиз, яқинлари дав-расида тўй ўтказишнинг афзаллиқ-ларини тўшуниб этди. Ҳатто пан-демия ҳали ақунланмасдан ҳам кўп-лаб ёшлар ушбу имкониятдан фойдаланиб катта маросимларсиз,

содда ва ихчам тарзда турмуш қуришга ошди. Аммо пандемия тугагач яна дабдабали тўйлар авж олди.

Ҳадидчилик ҳаракати асосчиси, маърифатпарвар бобомиз Махмуд-хўжа Бехбудий ўз асарлари ва ма-қолаларида тўй-хашамлардаги ис-рофгарчиликни қаттиқ танқид қил-гани, халқни ортиқча дабдабадан тийилишга қақирганини кўпчили-гимиз биламиз. Унинг фикрича, бу иллатлар миллатнинг тараққиети-га тўсиқ бўлиб, моддий кийинчи-ликларга сабаб бўлади. Бехбудий-нинг “Миллатнинг саодати ҳаша-матли тўйларда эмас, балки илм-фан ва маърифатда”, “Ортиқча дабдаба, беҳуда харажатлар мил-латни ривожлантириш ўрнига уни орқага тортади”, “Бойлар беҳисоб мол-мулкни сарфлаб, катта даб-дабали тўйлар қилади. Камбағал-лар эса уларга тақлид қилиб, ўзини кийнайди, қарзга бўлади. Натижа-да жамиятда тенгсизлик кучаяди, одамларга моддий зарар этади” каби мазмундаги фикрлари бугун-ги кунда ҳам долзарб бўлиб қол-моқда.

Мазмунан бой, шаклан ихчам бўлсин

Шу ўринда тўй-тантаналарни самарали ташкил этиш учун бир нечта таклифларни билдириб ўтқочкимиз.

Биринчидан, яқин йилларгача “Қизлар базми” келинининг дугона-лари ва яқин аёл қариндошлари иштирокида ихчам, самимий мухит-да ўтказилар эди. Ушбу маросим-нинг мақсади келинини никоҳ олди-дан илқ тилаклар билан қузатиш, унга ҳаётда асқатадиган маслаҳат-лар бериш ва қизин сўбақт қуриш-дан иборат бўлган. Бироқ сўнгги йилларда “Қизлар базми” анъана-вий шаклидан узоклашиб, асосий тўйдан қолишмайдиган даражада дабдабали, ота-онанинг дўстлари, қариндош-уруғлари, қудалар ишти-рокида ўтадиган маросимга айлан-иб кетди. Эндликда бу тадбир катта ресторан ва хашааматли тўйхоналарда ўтказилиб, махсус декорациялар, санъаткорлар чиқи-ши, ҳайкал шаклидаги тортлар ва фотосессиялар билан безатилмоқ-да. Натижада оддий ва самимий кеча бўлиб келган базм ортиқча ха-ражат ва исрофгарчиликка сабаб бўлмоқда.

Кўёвнинг дўстлари иштирокида ўтказиладиган “Навкар” маросими ҳам тобора тантанавор тадбирга айланаётир. Шу билан бирга, тўйдан кейинги “Келин салом” ҳам оддий маросим эмас, балки санъ-аткорлар ва махсус сахна безак-лари билан ўтказиладиган шоу ту-сини оляпти.

Шубҳасиз, уларни ихчамлашти-ришимиз шарт. Келиннинг хонадо-нида бўлиб ўтадиган “Қизлар баз-ми” маросими номига монанд фа-қат қизлар даврасида, яъни келин-нинг дугоналари билан ихчам ўткази-лса, мақсадга мувофиқ бўлади.

Иккинчидан, келиннинг сарпоси-га керагидан ортиқ даражада нар-са-буюмларнинг қўшилиши, айна чоғда бўлажак келин-куёвнинг хо-наси қиз томонидан турли мебель, гилам, пардалар билан безатили-ши аслида бизнинг менталитети-мизга умуман тўғри келмайди. Чун-ки бу орқали қизларимизнинг кадр-қиммати тушса тушадики, асло ош-майди. Ахир куда томонга йиллар давомида оқ ювиб, оқ тараб, ка-мол топтириб, қизини ўзга хона-донга узатаётган ота-оналарнинг фарзандини бағридан узиб олаёт-ганининг ўзи катта давлат. Қиммат-баҳо нарса-буюмлар, жиҳозларни қўшиб олиши эса адолатдан эмас.

Учинчидан, тўй-тантаналари бўлиб ўтадиган кечки базмлар ҳам, ошлар ҳам 100 — 150 нафардан ошмаган киши билан ўтказилса, нур устига нур. Аслида бу каби базмлар учун таклифномалар жо-рий қилиниши лозим. Тўйхонага фақат таклифномалар орқали ки-ритилса, меҳмонлар ҳам таклиф-номада қайд этилган рақамлар ос-тидаги ўриндиқда ўтирса, мақсад-га мувофиқ бўлади. Бу, аввало, тўй эгалари учун жуда қулай, чунки ак-сар базмларда келган меҳмонлар ўриндиқларга сиймаг қолади. На-тижада меъзбонлар хижолат чекиб, янгидан столлар безатади ёки ак-синча, қўллаб безатилган столлар меҳмонсиз қолади. Бу эса ортиқча исрофгарчиликка сабаб бўлади. Шу боис тўйлар аниқ дастур асосида ташкиллаштирилса, ҳам маданий, ҳам иқтисодий тарафдан рисола-дагидек иш бўлар эди.

Тўртинчидан, бугунги кунда то-бора оммалашиб бораётган, инсон-ларнинг “оммавий маданият” та-сирига тўшиб қолишига сабаб бўлаётган “севги ҳикоялари”, яъни ўз номи билан айтганда “Love story”, “Marry me” лавҳалари тайёрлаш қадриятларимизга қанчалик мос?

Улар ёшларни, ҳақиқатан ҳам, бахт-га қорлай оладими? Бизнингча, йў! Ҳатто аксинча, катта ҳаётга ясама-лик, сохтакорлик, ўзлари ўйлаб топ-ган иллюзия билан қадам босиши-га олиб келади. Қолаверса, қўп-гина сеvgи ҳикоялари ҳаётдаги ҳақиқатни тасвирламайди. Бу ёшлар орасида нотўғри тасаввурлар шак-ланишига туртки бўлиши мумкин.

Китоблар ёки фильмлардаги му-каммал сеvgи бадийи тафаккур махсули эканини биламиз. Уларда-ги ижрочилар актёрлар экани ҳаё-лимизнинг бир четида доим тура-ди. Бироқ “Love story” қахрамон-лари актёрлар эмас. Улар келгуси ҳаётдадан бахт излаётган оддий ёшлар. Сеvgи ҳикояларни фан-та-зиялари уларга нореал умидлар бериши, ҳатто ҳаёлий дунёда яшашга олиб келиши мумкин. Бу эса уларни ҳақиқий ҳаётдан узок-

Баҳром АБДУЛЛАЕВ, Олий Мажлис Сенатининг Фан, таълим ва соғлиқни сақлаш масалалари қўмитаси раиси.

ХАЛҚАРО СИЁСИЙ МУЛОҚОТ МАЙДОНИ

Бугун мамлакатимиз халқаро майдонда мустаҳкам ўринга эга бўлаётган, ташаббуслари изчил татбиқ этилаётган давлатлардан саналади. Бу бежиз эмас. Чунки янги Ўзбекистон сиёсий тизимни очиклик ва демократия тамойилларига асосланган ҳолда такомиллаштириб, парламент фаолиятини кучайтириш, қонунчилик тизимини модернизация қилиш ва халқ манфаатларини таъминлашда қатъий қадамлар ташламоқда. Айнан шу ютуқлар туфайли Ўзбекистон жаҳон ҳамжамиятида эътироф этилиб, йирик халқаро сиёсий тадбирларнинг мезбонига айланиб бораётир.

Парламент дипломатияси

Президентимиз таклифига асосан шу йилнинг 5—9 апрель кунлари Тош-кентда Парламентлараро Иттифоқнинг 150-юбилей ассамблеяси ўтказилиши белгилангани бунга яққол мисолдир. Бу нафақат Ўзбекистон парламент дип-ломатиясининг улкан ютуғи, балки мамлакатимизнинг халқаро сиёсий ну-фузини мустаҳкамлаш йўлидаги тари-хий воқеа бўлиб, Марказий Осиё мин-тақасида илк бор ташкил этилаётган халқаро тадбирдир.

Давлатимиз раҳбари томонидан ил-гари сурилган мазкур ташаббус халқ-аро ҳамжамият томонидан тўлиқ қўллаб-қувватланиб, Ўзбекистонни жа-ҳон парламентаризмининг муҳим май-

донига айлантириш йўлидаги улкан қадам бўлди. Ушбу нуфузли тадбир мамлакатимизда ҳуқуқий давлат ва фуқаролик жамиятини ривожлантириш борасидаги ислохотлар натижаси си-фатида эътироф этилмоқда.

Таъкидлаш жоизки, Парламентлар-аро Иттифоқ дунёнинг 190 та мам-лакатини ўзсида бирлаштириб, парла-ментлар ўртасида халқаро мулоқот, ҳамкорлик ва тажриба алмашиш май-донни вазифасини ўтайдиган энг йирик ташкилотдир. ПИ ассамблеялари фақат парламентаризм ва барқарор тараққиёт борасида юқори тажрибага эга давлатларда ўтказилади. Нуфузли тадбирга мезбонлик қилиш Ўзбекис-

тоннинг ҳуқуқий демократик давлат сифатида шаклланиб бораётганини яна бир бор тасдиқлайди.

Тошкентда бўлиб ўтадиган ассам-блея “Ижтимоий тараққиёт ва адолат учун парламент ҳаракати” мавзусига бағишланиб, унда глобал миқёсда дол-зарб бўлган масалалар муҳокамадан ўтказилади. Аҳолининг ижтимоий ҳимоясини кучайтириш, камбағалли-кни қамайтириш, қонун устуворлигини таъминлаш, инсон ҳуқуқларини ҳимоя қилиш, гендер тенгликни мустаҳкам-лаш ҳамда илм-фан ва технологиялар-ни ривожлантириш орқали ёшларни қўллаб-қувватлаш масалалари шулар жумласидандир.

Бундан ташқари, инсон ҳуқуқлари, гендер тенглик, илм-фан ва техноло-гиялар, ёшлар масалаларига бағиш-ланган қатор қўмиталар йиғилишлари ҳам ўтказилиши режалаштирилган. Ўзбекистон бундай тадбирга мезбон-лик қилиш орқали халқаро ҳамжамият олдида нафақат сиёсий ислохотлар-нинг муҳим иштирокчисига, балки гло-бал муаммоларни ҳал этишда ҳам етакчи майдонлардан бирига айлани-ши мумкинлигини яна бир бор исбот-лайди.

Парламентлараро Иттифоқ билан ҳамкорлик сўнгги йилларда жадал рив-ожланмоқда. Хусусан, 2020 йилда Бухорода ва 2023 йилда Тошкентда барқарор ривожланиш мақсадларига бағишланган глобал форумлар ўтқа-зилган. Шунингдек, Президентимиз то-монидан илгари сурилган “Барқарор ривожланиш мақсадларига эришишни жадаллаштиришда парламентлар ро-лини кучайтириш тўғрисида”ги резо-люция БМТ Бош Ассамблеяси томо-нидан бир овоздан қўллаб-қувватлан-ди. Ушбу ютуқлар Ўзбекистон пар-ламентининг халқаро майдондаги ролини сезиларли даражада ошириш-га ҳизмат қилмоқда.

Шу нуктаи назардан айтганда, ўтқа-зилиши режалаштирилаётган мазкур ассамблея Ўзбекистон учун йирик им-кониятлар ашигини очиши, шубҳасиз. Биз бу тарихий тадбирни юқори са-вияда ташкил этиш орқали мамлака-тимизнинг очиклиги, ислохотларга содиқлиги ва парламент дипломатия-сидаги фаоллигини яна бир бор намоён қиламиз.

Мавлуда ХЎЖАЕВА, Олий Мажлис Қонунчилик палатаси Спикери ўринбосари.

Депутат фикри

КЕЧИКТИРИБ БЎЛМАЙДИГАН ЧОРАЛАР

Мамлакатимиз географик жиҳатдан денгизу уммонлардан узоқда жойлашган. Бундай шaroитда йод моддаси етишмаслиги билан боғлиқ муаммолар келиб чиқиши табиий. Шу боис Ўзбекистон йод танқислиги бўйича мураккаб ҳудудлардан бири саналади. Юртимизда аҳоли саломатлигини яхшилаш бўйича олиб борилаётган ислохотларда йод етишмаслиги касалликларини профилактика қилиш ва олдини олиш ҳаётий масала ҳисобланади.

Жаҳон соғлиқни сақлаш ташкилоти статистикасига кўра дунё аҳолисининг учдан бир қисмидан кўпроғида йод танқислиги касаллигининг ривожланиш хавфи юқори. 740 млн. кишида мазкур касаллик бўқоқ кўринишида мавжуд бўлса, 50 млн. аҳоли мия дисфункцияси ва ақлий заифликка дучор бўлган. Шунингдек, мамлакатимизда қалқонсимон без касалликларига чалинган 285 658 фуқародан 94 341 нафарини болалар ташкил этади. Янада ачинарлиси, уларнинг 92 983 нафари гипотериоз ва бўқоқ касаллигига чалинган.

Биламизки, йод инсон саломатлиги учун муҳим элементлардан саналади. Аммо ушбу микроэлементни инсон организми ўзи ишлаб чиқара олмайди, уни фақат ташқи муҳит орқали қабул қилиши мумкин. У табиий равишда фақат маълум иқлимда, кўпична денгизга яқин минтақаларда ҳосил бўлади. Бу модданинг етишмаслиги ақлий заифлик, тирноқларнинг табақаланиши, соч тўкилиши, тери қуруқлашуви, уйқучанлик, чарчоқ каби турли касалликларнинг юзга келишига сабаб бўлади.

Ушбу касаллиқнинг профилактикаси сифатида истеъмол бозорини йодланган туз ва озиқ-овқат маҳсулотлари билан тўлдириш, йодланган ош тузини ишлаб чиқариш, ташishi, сақлаш ва реализация қилишга доир талабларни белгилаш бўйича қўшимча чораларни кўриш зарур. Чунки жаҳон тажрибасида йод танқислигига қарши курашининг энг самарали усулларидан бири айнан ош тузини йодлаш эканлиги кенг эътироф этилган.

Шу нуктаи назардан, бугунги кунда Ўзбекистонда “Йод етишмаслиги касалликлари профилактикаси тўғрисида”ги Қонун асосида жорий қилинган ош тузини йод билан бойитиш тизимини янада такомиллаштириш талаб этилмоқда. Чунки ош тузи таркибидagi йодни аниқлаш учун республика савдо нуқталарида ўтказилган лаборатория таҳлилларига кўра сотиб олинган 1046 та ош тузи намунасидаан 547 таси (52 фоиз) талабга жавоб бермаслиги, 85 тасида эса (8 фоиз) умуман йод йўқлиги аниқланган.

Юқоридаги каби ҳолатларнинг тез-тез учраши истеъмол бозорини йодланган туз ва йодланган озиқ-овқат маҳсулотлари билан тўлдиришга қаратилган ҳамда ош тузини ишлаб чиқариш, ташishi, сақлаш ва реализация қилишга доир талабларни белгилаш бўйича қўшимча чораларни кўриш заруратини юзига келтирмоқда.

Шундан келиб чиқиб, куни кеча Олий Мажлис Қонунчилик палатасининг мажлисида яна бир муҳим ҳужжат қўриб чиқилди. Яъни унда аҳоли ўртасида йод танқислиги билан боғлиқ касалликларнинг олдини олиш тизимини такомиллаштиришга қаратилган қонун лойиҳаси муҳокама этилди.

Ушбу қонун лойиҳаси билан Соғлиқни сақлаш вазирлигига ош тузи ва озиқ-овқат маҳсулотларини йодлаш учун фойдаланиладиган, таркибида йод бўлган препаратларни, уларга қўйиладиган талабларни, ош тузи ва озиқ-овқат маҳсулотларини йодлашга ва уни ишлаб чиқаришга, ташishi, сақлашга ва реализация қилишга қўйиладиган санитария қоидалари, нормалари ва гигиена меъёрларини белгилаш ҳамда назоратини олиб бориш ваколатлари берилмоқда.

Бундан ташқари, “Йод етишмаслиги касалликлари профилактикаси тўғрисида”ги Қонунга мамлакатимизга фақат йодланган ош тузи олиб қилириши, реализация қилинишини ва озиқ-овқат маҳсулотларини ишлаб чиқаришда йодланган туздан мажбурий фойдаланилишини назарда тутувчи ўзгартришлар киритиш таклиф этилди.

Ушбу ҳужжатни моддама-модда муҳокама қилиш жараёнида депутатлар томонидан бир қатор масалалар ўртага ташланди. Қонун лойиҳасида фақат йодланган ош тузини мамлакатимизга олиб кириш кўзда тутилаётгани айтилди. Муҳокама жараёнида йодланмаган тузни импорт қилиб ўзимизда йодлаш, кейин истеъмолга чиқариш масаласи қандай бўлади деган саволлар кўтарилди. Шунингдек, қонун лойиҳасини қўллаш механизмлари, ош тузи ва техник тузларнинг фарқи жиҳатлари қизгин муҳокамаларга сабаб бўлди.

Мунозаралардан келиб чиқиб ушбу ҳужжатнинг кириш қисмига қонун билан мамлакатимизга фақат йодланган ош тузи олиб қилириши билан бирга, уни реализация қилиш ҳам қўшиб қўйилди.

Қабул қилинган ушбу ҳужжат мамлакатимизда аҳоли саломатлигини муҳофаза этишда яна бир муҳим қадам бўлади. Бу орқали йод етишмаслиги билан боғлиқ касалликлар профилактика қилинади, истеъмол бозорини йодланган туз ва озиқ-овқат маҳсулотлари билан тўлдиришга қаратилган ислохотлар янги босқичга кўтарилади.

Муқаддас ҲАРАЛИЕВА, Олий Мажлис Қонунчилик палатаси депутаты.



# ЎЗБЕКИСТОН – МАЛАЙЗИЯ: ИННОВАЦИОН ТАРАҚҚИЁТ ДАВРИ БОШЛАНДИ

Бу йил Ўзбекистон ва Малайзия ўртасида дипломатик алоқалар ўрнатилганига 33 йил тўлади. Ўтган давр мобайнида икки мамлакат муносабатлари дўстлик, тенглик, ҳурмат ва бир-бирининг манфаатларини ҳисобга олиш тамойилларига асосланиб, изчил ва самарали ривожланиб келмоқда.

Давлатимиз раҳбарининг шу йил 4-5 февраль кунлари Малайзияга расмий ташрифи ҳамда унинг доирасида эришилган келишувлар яқин келажақда икки мамлакат ўртасидаги алоқаларни барча босқичда янги марраларга олиб чиқишга хизмат қилиши билан янада аҳамиятлидир.

Ташриф арафасида тахлилий марказлар учрашуви, Ўзбекистоннинг туризм салоҳияти ва маданий мероси тақдирлари, етакчи олий таълим муассасалари ректорлари форуми ўтказилди. Ҳамкорлики ривожлантириш ва олий даражадаги келишувлар ижросини самарали мувофиқлаштириш мақсадида ташқи ишлар вазирларининг стратегик мулоқоти платформасини ташкил этишга қарор қилинди.

Етақчилар ўртасидаги мулоқот давомида БМТ, Ислам ҳамкорлик ташкилоти ва бошқа халқаро тузилмалар доирасида ўзаро қўллаб-қувватлашни давом эттириш муҳимлиги айтилди. Савдо-иқтисодий ва инвестиция соҳаларидаги амалий ҳамкорлик масалаларига алоҳида эътибор қаратилди. Товар айирбошлашни кўпайтириш мақсадида Имтиёзли савдо тўғрисидаги битимни ишлаб чиқиш, ўзаро саноат кўргазмаларини ўтказиш, Саноат кооперацияси дастурини қабул қилиш бораида бир тўхтамга келди.

Малайзия ҳукумати Ўзбекистоннинг Жаҳон савдо ташкилотига аъзо бўлишини фаол қўллаб-қувватламоқда. Етақчилар 2025-2026 йиллари Ўзбекистон — Малайзия шериклигини инновацион ривожлантириш даври, деб эълон қилишга келишиб олдилар. Бунинг учун эса ташриф доирасида эришилган натижалар ва алоқаларнинг бугунги босқичи етарли. Хусусан, иқтисодий ҳамкорлик янги моделнинг устувор йўналишлари сифатида нефть-кўмир ва кимё, электроника ва аримотизациялар саноати, инновацион саноат, “ақлли” қишлоқ хўжалиги, “яшил” энергетика, зиярат туризми ва бошқа йўналишларда аниқ келишувларга эришилди. Кооперация лойиҳаларини қўллаб-қувватлаш мақсадида Тошкент вилоятида Малайзиянинг етакчи компанияси бошқарувида махсус иқтисодий зона ташкил этилиши белгиланди.

Мавлуда АДХАМЖОНОВА,  
Олий Мажлис  
Қонунчилик палатаси депутаты.

Ўзбекистон Президенти Шавкат Мирзиёевнинг 4-5 февраль кунлари Малайзияга амалга оширган расмий ташрифи ушбу мамлакатнинг нуфузли оммавий ахборот воситалари томонидан кенг ёритилди.

## ЎЗАРО МАНФААТЛИ ШЕРИКЛИК ЙЎЛИДА

Хусусан, Малайзиянинг “Bernama” миллий ахборот агентлиги ташрифнинг бориши, музокаралар ва бўлиб ўтган учрашувлар, томонлар ўртасида эришилган келишувлар ҳақидаги мақолаларни тезкорлик билан эълон қилиб борди.

Мазкур ахборот агентлиги мухбирининг ёзишича, “Перда-на Путра” ҳукумат мажмуасида Ўзбекистон Президенти Шавкат Мирзиёевни расмий қутиб олиш маросими бўлиб ўтди. Олий даражали меҳмонни Малайзия Бош вазири Анвар Иброҳим қутиб олди ва музокаралар чоғида Ўзбекистон — Малайзия муносабатлари сезиларли даражада фоллашгани қайд этилди. Шунингдек, томонлар минтақавий ва глобал кун тартибидagi долзарб масалаларни муҳокама қилдилар. Ташкидланганидек, давлатимиз раҳбари Анвар Иброҳим билан учрашув олди-дан фахрий меҳмонлар китобига ўз изоҳини қолдирди.

Стратегик шериклик йўлида икки томонлама ҳамкорликини чуқурлаштириш тўғрисида қўшма баёнотнинг имзолангани ташрифнинг муҳим натижаларидан бири бўлди. Бу ҳақда “Bernama” МАА, “The New Straits Times” ва “The Star” газеталарида хабарлар берилган. “Бу келишув мамлакатлар ўртасидаги ишончнинг юксак даражасидан далолат беради ва иқтисодиёт, савдо, инвестиция ҳамда таълим соҳаларида қўшма лойиҳалар учун янги имкониятлар очади”, деб ёзилган маълумотларда.

Маълум қилинишича, Малайзия Бош вазири Анвар Иброҳим ва Ўзбекистон Президенти Шавкат Мирзиёев ўзаро манфаатли ҳамкорлик янада мустаҳкамланишига ишонч билдирган. Ташкидланганидек, стратегик шериклик ўзаро товар айирбошлаш ҳажмини кенгайтиради ва бу алақачон ижобий динамикани

кўрсатмоқда. 2024 йилда мамлакатлар ўртасидаги товар айирбошлаш ҳажми 80,9 миллион АҚШ долларига етди, бу эса икки томонлама иқтисодий алоқалар жадаллашгаётганидан далолат беради.

“Sinar Harian”, “Malay Mail” ва “The New Straits Times” оммабоп газеталарида давлатимиз раҳбарининг расмий ташрифига доир босилган мақолаларда музокаралар чоғида иқтисодий ҳамкорлик масалаларига алоҳида эътибор қаратилгани урғулانган. Томонлар янги инвестицияларни жалб этиш ва қўшимча иш ўринлари яратиш имконини берувчи қўшма саноат зонасини ташкил қилиш каби амалий ҳамкорлик масалаларига алоҳида эътибор қаратди.

Нашрларда, шунингдек, Ўзбекистоннинг Малайзиянинг замонавий Ипак йўлидаги муҳим ҳамкори сифатидаги аҳамияти алоҳида таъкидланган. Мақолалардан бирида Ўзбекистон ўзининг географик жойлашуви туфайли Марказий Осиё бозорларига кириш йўлида бўлган Малайзия компаниялари учун кўпқир вазифасини ўташи мумкинлиги қайд этилган.

Бундан ташқари, “The Edge Malaysia” молиявий янгиликлар порталида Ўзбекистон ишончили ва вақт синиридан ўтган ҳамкор, деяр эътироф этилди. “Икки давлат ўртасидаги шериклик нафақат савдо ва инвестиция, балки технологик инновациялар ва саноатни ривожлантириши ҳам қамраб олади”, деб ёзган портал муҳбири.

Олий даражадаги музокараларнинг яна бир муҳим мавзуси туризм йўналишидаги алоқаларни ривожлантириш бўлди. “Penang Hyperlocal” ва “Buletin Mutiara” нашрларида Ўзбекистон Туризм қўмитаси вакиллари икки томонлама сайёҳлар алмашинувини кен-

гайтириш имкониятларини мулоҳама қилиш мақсадида амалий сафар билан Малайзиянинг Пенанг штатидаги боргани ҳақида ёзилди.

“Bernama” МАА маълумоти-га кўра, томонлар қўшма сайёҳлик ташаббусларини йўлга қўйишни режалаштирмоқда, бу эса мамлакатлар ўртасида сайёҳлар оқимини оширишга хизмат қилади. Ўзбекистон, айниқса, бой маданий ва тарихий меросини ҳисобга олган ҳолда, малайзиялик сайёҳларни урунган. Томонлар болли манзил сифатида қаралмоқда. Ўз навбатида, Малайзия ўзининг курортлари ва ривожланган инфрақурилиш имкониятлари билан Ўзбекистонлик сайёҳларни ўзига фаол жалб этаётир.

Ушбу мамлакат оммавий ахборот воситаларида Ўзбекистон Президентининг Малайзияга расмий ташрифи икки томонлама муносабатларни ривожидида муҳим босқич бўлгани ақидиллик билан таъкидланмоқда. Стратегик шериклик йўлида икки томонлама ҳамкорликини чуқурлаштириш тўғрисида қўшма баёнот, иқтисодий ва туризм соҳасидаги ҳамкорликини кенгайтиришга оид ҳужжатларнинг, шунингдек, коррупцияга қарши курашиш йўналишидаги шерикликини чуқурлаштириш бўйича қўшма режанинг имзолангани — буларнинг барчаси икки давлат ўртасидаги ҳамкорлиқнинг янги босқичидан далолат беради.

Малайзиянинг нуфузли ОАВ хулосаларида “Ташриф нафақат дипломатик алоқаларни мустаҳкамлади, балки муҳим йўналишларда Ўзбекистон ва Малайзия шериклигини янада чуқурлаштиришга замин яратди, бу эса икки давлат учун янги истикболларни очади”, деб қайд этилди.

«Дунё» АА.  
Қулоқ-Лунгур

## Олий Мажлис Қонунчилик палатасида

# ОМБУДСМАННИНГ 2024 ЙИЛДАГИ ФАОЛИЯТИ КЎРИБ ЧИҚИЛДИ

Олий Мажлис Қонунчилик палатасининг Демократик институтлар ва фуқаролик жамиятини ривожлантириш масалалари қўмитаси томонидан Инсон ҳуқуқлари бўйича вакил (омбудсман)нинг 2024 йилдаги фаолияти тўғрисидаги маърузаси дастлабки тарзда кўриб чиқилди.

Йиғилишда Омбудсман томонидан инсон ҳуқуқлари, эркинликлари ва қонуний манфаатларини ҳимоя қилиш, инсоннинг сиёсий, иқтисодий ва ижтимоий ҳуқуқлари кафолатларини янада кучайтиришга қаратилган бир қатор ишлар амалга оширилгани қайд этилди.

“Ўзбекистон Республикаси Олий Мажлисининг Инсон ҳуқуқлари бўйича вакили (омбудсман) тўғрисида”ги Қонун билан Омбудсманнинг инсон ҳуқуқ ва эркинликларига риоя этилишини таъминлаш бораидаги ваколатлари кенгайгани, жумладан, 14-моддага мувофиқ илк бор Олий Мажлис палаталарига маъруза тақдим қилинаётгани айтиб ўтилди.

Маърузада қайд этилишича, 2024 йилда Омбудсман номига Ўзбекистон Республикаси ва хорижий давлатлар фуқаролари ҳамда омбудсманлари, фуқаролиги бўлмаган шахслар, жамоат ташкилотлари ва бошқа юридик шахслардан келиб тушган мурожаатлар сони 23 422 тани ташкил қилган.

Ўтган йили Омбудсман томонидан мурожаатларни ўрганиш натижасида инсон ҳуқуқлари ва эркинликлари соҳасидаги қонунбузилиш ҳолатлари, уларга имкон берувчи сабаб ва шарт-шароитларни бартараф этиш юзасидан давлат органлари ва идораларига ҳамда мансабдор шахсларга 182 та тақдирнома, талабнома, ариза ва даъво аризалари ҳамда хулоса шаклидаги таъсир чоралари киритилган. Қўлланган таъсир чоралари 2022 йилдагига нисбатан 35 фоизга, 2023 йилдагига нисбатан 7 фоизга ошиб, ўтган

йилда уларнинг 76,9 фоизи ижобий ҳал қилинган. Ҳисобот йилида Омбудсман томонидан ташкилотлар ёки мансабдор шахсларга кириштирилган тақдирномаларнинг 76 фоизи ижобий ҳал этилган.

Омбудсман томонидан меҳнатга оид ҳуқуқлар билан боғлиқ мурожаатлар ўрганилиши натижасида фуқароларнинг иш ҳақи ва меҳнат муносабатлари билан боғлиқ тўловлари бўйича 1 млрд. 832,9 млн. сўм маблағлар ундирилган.

Ҳисобот даврида Омбудсман давлат органлари, фуқаролик жамияти институтлари ва инсон ҳуқуқлари бўйича миллий институтлар билан ўзаро узвий алоқада бўлиши натижасида инсон кадрини улуглаш, ҳар бир шахснинг ҳуқуқ ва эркинликларига ҳамда қонуний манфаатларини таъминлаш йўлидаги вазифаларнинг ижро этилишига ҳам алоҳида эътибор қаратган.

Депутатлар Омбудсманнинг ўтган йилдаги фаолияти яқунлари бўйича тақдим этган маърузасини ижобий баҳолаб, унинг фаолиятини янада такомиллаштириш, фуқароларнинг янги тахрирдаги Конституция ҳам бошқа қонунларда кафолатланган ҳуқуқлари, эркинликларини таъминлаш бўйича қатор тақлиф ва тавсиялар берди.

Йиғилишда депутатлар томонидан берилган саволларга тегишли жавоблар олиниб, Инсон ҳуқуқлари бўйича вакил (омбудсман)нинг 2024 йилдаги фаолияти тўғрисидаги маърузаси маъқулланди.

«Халқ сўзи».

## Қонун ташаббусқоридан — куйи палатага

# ЁШГА ДОИР ПЕНСИЯНИ ПРОАКТИВ ШАКЛДА ТАЙИНЛАШ ТАРТИБИ ЖОРИЙ ЭТИЛАДИ

Олий Мажлис Қонунчилик палатасининг Меҳнат, соғлиқни сақлаш ва ижтимоий масалалар қўмитасида нафақаларни тайинлаш ҳамда тўлаш билан боғлиқ ишларни такомиллаштиришга қаратилган қонун лойиҳаси дастлабки тарзда кўриб чиқилди.

Мазкур қонун лойиҳаси билан “Давлат божи тўғрисида”ги, “Аҳоли бандлиги тўғрисида”ги қонунларга нафақаларни тайинлаш ва тўлаш билан боғлиқ ўзгаришлар киритилмоқда. Яъни пенсия олиш ёшига тўлган (эркаклар — 60 ёш, аёллар — 55 ёш) фуқароларга ёшга доир пенсиясини уларнинг алоҳида мурожаатини талаб этмаган ҳолда фуқаронинг иш стаж, иш ҳақи ва бошқа маълумотларини вазирлик ҳамда идораларнинг ахборот тизимларидан олинган маълумотлар асосида бир кун муддатда проактив шаклда тайинлаш тартибини жорий қилиш белгиланмоқда.

Амалдаги тартибга кўра, фуқаролар белгиланган пенсия ёшига тўлганда сўнг пенсия тайинлашни сўраб яшаш жойидagi Пенсия жамғармаси бўлимига, Давлат хизматлари марказига ва Ягона интерактив давлат

хизматлари порталидан рўйхатдан ўтиб, сўровнома-ни тўлдирган ҳолда мурожаат қилади.

Қонун лойиҳасида фуқаро пенсия ёшига етиб, аммо меҳнат фаолиятини давом эттириш истаги бўлганида проактив шаклда тайинлан-диган ёшга доир пенсияни рад қилиш тартибини ҳам жорий этиш назарда тутил-моқда.

Қонун ташаббусқорларининг фикрича, белгиланаётган нормалар фуқароларга пенсия таъминоти бўйича кўрсатиладиган давлат хиз-мати сифатини оширишга, ортиқча бюрократик тўсиқ-лар бартараф этилишига хизмат қилади.

Қонун лойиҳаси сиёсий партиялар фракциялари му-ҳокамасига киритиш учун тайёрланмоқда.

«Халқ сўзи».

# ҲАМКОРЛИКНИНГ ЯНГИ ИСТИҚБОЛЛИ ЙЎНАЛИШЛАРИ ОЧИЛАДИ

Ўзбекистон ва Малайзиянинг савдо-иқтисодий, маданий-гуманитар, илмий алоқалари йил сайин ривожланиб борапти. Икки халқ ўртасидаги ягона дин, муштарак урф-одат ва қадриятларга асосланган дўстлик ришталарга тобора мустаҳкамланмоқда. Давлатимиз раҳбари Шавкат Мирзиёевнинг Малайзия Бош вазири Анвар Иброҳим тақлифига биноан ушбу мамлакатга амалга оширган расмий ташрифи эса ўзаро ҳамкорлиқнинг янги даврини бошлаб берди.



Давлатларимиз ўртасидаги ҳамкорлик кўп қиррали бўлиб, бунда таълим соҳасидаги ўзаро алоқалар катта истикболга эга. Бинобарин, Малайзия университетлари халқаро рейтингларда юқори ўринларни эгаллайди.

Турли соҳалар сингари Ўзбекистон ва Малайзия олий таълим, фан ҳамда инновациялар соҳасидаги алоқалари бугунги кунда изчил ва самарали давом этмоқда. Икки давлат раҳбарларининг олий даражадаги ташриф ва учрашувлари таълим ҳамда илмий ҳамкорлиқнинг янги йўналишларини очиб, кадрлар тайёрлаш йўналишларида қўшма лойиҳаларни амалга оширишга туртки бераётир.

Айтиш жоизки, таълим тизимини модернизация қилиш ва халқаро майдонда интеграциялашувини таъминлаш бўйича икки мамлакатнинг саъй-ҳаракатлари муштарак. Расмий ташрифлар доирасида олий таълим муассасалари иштирокида ташкил этилган форум Малайзия универ-ситетлари билан шериклик, илмий

алоқаларни ривожлантириш ҳамда талабаларга халқаро билимлар олиш имконини тақдим этмоқда.

Хусусан, таълим соҳасидаги ўзаро ҳамкорлик сўнгги йилларда университетлараро даражада жадал ривожланаётир. Бу эса юртимизда ўқув жараёнини сифатини ошириш ва университетлар ўртасида академик алмашинув дастурларини йўлга қўйишга замин яратди. Бугунги кунда Ўзбекистон ҳамда Малайзия олийгоҳлари ўртасида ойдан ортиқ битим, шартнома ҳамда келишувлар амал қилипти.

Шу билан бир қаторда, Малайзиянинг инновацион ўқув методла-ри ва халқаро тажрибаси Ўзбекистон-лик талабалар ҳамда ўқитувчи-лар учун жуда муҳим ҳисобланиб, бу мамлакатимиз таълим сифати ҳамда илмий салоҳиятини ошириш-га хизмат қилади. Шу жиҳатдан Ўзбекистон олий таълим муассаса-ларининг 200 дан ортиқ профес-сор-ўқитувчилари малака ошириш, амалиёт ўташ, турли соҳалардаги ўқув курсларида қатнашиш учун Ма-

лайзия олий таълим ташкилотларига юборилган диққатга сазовор.

Бу йўналишлардаги саъй-ҳара-катлар натижасида талабаларимиз учун Малайзия олий таълим муас-сасаларида таҳсил олиш имкони-яти ҳам кенгайди. Айниқса, му-хандислик, ахборот технологияла-ри, тиббиёт ва менежмент соҳала-ридаги таълим дастурлари талаба-лар ўртасида катта қизиқиш уйғот-моқда. Бу борада Малайзиянинг Ўзбекистондаги таълим форумла-ри ҳамда кўргазмалари муҳим ўрин-тутаётир. Натижада бугунги кунда мамлакатимизнинг 700 га яқин фуқаролари Малайзия олий таълим муассасаларининг турли йўналиш-ларида таҳсил оляпти.

Малайзия университетлари то-монидан Ўзбекистон талабалари учун ажратилаётган грант ва сти-пендиялар ҳам таълим соҳасидаги алоқаларни ривожлантиришнинг муҳим омилидирдан биридир. Ушбу грантлар орқали қўллаб-ёшлари-миз хорижий тажрибани ўрганиш ҳамда келажақда юртимизда замо-навий билимларни қўллаш имко-нига эга бўлишга ётир.

Айни пайтда амалга оширилаёт-

ган қўшма таълим дастурлари ва лойиҳалари ҳам кам эмас. Талаба-лар алмашинуви ҳамда қўшма ма-гистратура ва докторантура дастур-лари шулардан биридир.

Шунингдек, ҳамкорлик доираси-да қўшма таълим дастурлари ҳамда дуал таълим тизими жорий этил-моқда. Қўшма таълим дастурлари-ни амалга ошириш ўзаро алоқа-ларнинг муҳим йўналишларидан бири сифатида эътироф этилади. Бу борада муҳандислик, ахборот техноло-гиялари, тиббиёт ва мене-жмент соҳаларига алоҳида эътибор қаратилган.

Хозирги кунда юртимизнинг 4 та олий таълим муассасаси Ма-лайзия университетлари билан ҳамкорликда 5 та бакалаврият таъ-лим йўналиши ва 3 та магистрату-ра мутахассислиги бўйича қўшма таълим дастурларини амалга оширмоқда. Бу саъй-ҳаракатлар таълим туризмининг ривожланти-ришда муҳим кадам бўлиб, икки давлат ўртасидаги шерикликини янада мустаҳкамламоқда. Туризм, филология, мактабгача таълим йўналишларида талабалар халқа-ро даражада замонавий билимлар-ни ўзлаштириб, янги Ўзбекистон-нинг истикболли мутахассислари сифатида шаклланиб бораётгани эътиборга молиқдир.

Қўшма таълим дастурлари на-фақат Ўзбекистон ва Малайзия ҳамкорлигини мустаҳкамлашга, балки икки мамлакат ёшлари ўрта-сида маданий ва ижтимоий алоқа-ларни кучайтиришга хизмат қил-моқда. Мазкур тизим талабаларга назарий таълим ва амалиётни уйғунлаштириш имконини беради. Келажақда дуал таълим орқали талабалар замонавий билим ва кўникмаларга эга бўлиш билан бир-

га, ўзаро тажриба алмашиниш. Бу эса уларнинг келгусида иш билан таъминлашни имкониятларини се-зишлари даражада оширади.

Юртимизда 2025 йил “Атроф-муҳитни асраш ва “яшил” иқтисо-диёт йили” деб эълон қилиниши муносабати билан Ўзбекистон ва Малайзия ҳамкорлигида атроф-муҳитни муҳофаза қилиш, қайта тикланувчи энергия манбаларини ривожлантириш ва углерод изини камайтиришга қаратилган тадқиқот-лар олиб борилиши кутилмоқда.

Айни йўналишдаги лойиҳалар до-ирасида қўшма илмий лаборатория-ларни ташкил этиш, олий таълим ҳамда илмий-тадқиқот муассаса-ларининг моддий-техника базасини мустаҳкамлашга алоҳида эътибор қаратилади. Бундан ташқари, Ўзе-бекистон ҳамда Малайзия олимлари ўртасида тажриба алмашинуви ва амалиётлар ташкил этилиб, илм-фан ютуқларини ўзаро бўлишиш жараёнари йўлга қўйилмоқда.

Ана шундай саъй-ҳаракатлар са-мараси ўлароқ келгусида қўшма он-лайн курслар яратиш, виртуал ўқув платформаларини ишга тушириш ҳамда замонавий тадқиқот марказ-ларни ташкил этиш кўзда тутил-ган. Хусусан, талабаларнинг тадбир-корлик кўникмаларини ривожланти-ришга қаратилган лойиҳаларни амалга ошириш ҳам эзгу режалар-дан биридир.

Икки давлат ўртасидаги ҳамкор-лик, пировардида келажақ авлод учун янада кенг имкониятлар эши-гини очиб билан бирга халқаро майдондаги нуфузини ҳам ошири-ши, шубҳасиз.

Обиджон ҲАМИДОВ,  
Бухоро давлат университети  
ректори, профессор.

